

## سولگون آذری: ملی، مدنی حاقلار و تجزیه طلب لیک ۱

اوجی بو حاقی گورونمه په ن ایران کیمی چوخ آز اولکه لر واردیر کی، هله ده بیر سیرا میللتلرین ملی، مدنی حاق حقوقلاری بونا باخمایاراق کی آنا یاساسیندا اوزونه مخصوص بیر یئری وار آنجاق قولقلاردان واز کنجیلیر و ایقلار آلتیندا تاپداقلارا معروض قالینیر. آنا دیلی مکتب سویه سینده یاساق، ملی عنعنه لر رسمی تربیونلاردان سسله نمه یی مومکونسوز، و هر کس اوز کولتوریله یاشاییب و اونو نشر ائتمک ال چاتیلماز زیروه لردیر. البته بو پراسس ایندی دن یوخ بلکه چوخ زمانلار دیر کی بعضی لرینین چیرکین نیتله برابر داوام آندیر. بیر خالقین مدنی و اجتماعی حاقلارینی الیندن آلماق او خالق میحو ائتمک دئمک دیر. چوخلاری ایسته دیلر و ایسته بیرلر کی بو خالقین منبتین الیندن آلالار و بو ایسته گورا نه لر ائتمه دیلر. آنجاق گوردیوموز کیمی اونلارین بو فاشیستی ایشله ری بعضی تاثیرلر بورا قسادا یئنه ده بو ملت اوز یولونو داوام ائتدیرمکده دیرو چالیشماقلارینی آرتیراراق باشقا اساسی حاق و حقوق دالیسیندا دیر. بعضا سسیمیز چیخمایاندا اوز کونوله رینده بئله حساب ائتمیشلر کی ایسته دیکله رینی چوخ راحتجاسینا یئرینه یئتمیشله ر. آنجاق ملی حقوقلار بیر کنچری سیاست دئیل کی بیر گون زورلا یا خوشلا اونو قاپادسینلار. بابک قیامینی ستار خان حرکاتینی و یاخود پیشه وری دیرچه لیشینی نچه مینلر انسانین قان باهاسینا قاپادیشلار سا هر وقت مرکزی حکومت ضعیفله ینده هامی یئنه دیرچه لیشه دوغرو آدیملار آتیب و حرکتله رینی ملی ایستکلره دوغرو یونلتمیشلر.

بورادا بیر سیرا آقالار مرکزی دولتده ن توتدو بعضی خارجه یاشایان شوونیست اوپوزیسیون قدر ملتین هر بیر ایستک لرینی تجزیه طلب لیکله برابر توتاراق چالیشیشلار کی بو یولدا گنده ن یولچولاری پیسله ییب بو هتانلار دئییب و او بیر خالقلارلا بیر بیرنه وورسونلار. هامیمیزا معلوم اولدوقو کیمی بو یولدا چالیشانلار تجزیه طلب لیکده ن چوخ ایراق یولچودورلار و او بیر خالقلارلا نام معنا دا احترام قویاراق بیر سیرا قارداش کیمی کنچینمک ده دیرلر و آذربایجان خالقینین اونلارلا داورانیشی هامیا البته کی معلوم دور و بو آزادا آذربایجان اوغولارینین ایران چرچیوه سینده چالیشمالاری هامینین گوزو اونونده دیر و اونلارین کونوللو اولاراق جبهه لره گندیب و اورادا نچه مین شهید ایتگین و یارالی وئردیک لری اونودولماز بیر شئی دیر. و بیز بو آزادا قارداشلیق پراسسینی نظره الراق کنچینمیشیک.

آنجاق قارداشلیق نه دئمک دیر؟ قارداشلیق ساده جه ایکی باشلی احترام طلب ائدیر، و بو ایکی باشلی احترام اولسا هامی جان دئییب جان ائشیدر لر. و هر بیر آجی و شیرین گونله رینی بولوشوب بوتون چتینلیکده بیر بیرینین الینده ن پایشیب بیرلیکده بوسبوتون بیر اولکه په بیه له نیب اونو باشقا یاغی لاردان راحتجاسینا قورویوب ال اله وئره رک مملکتی اکونومی، سیاسی باخمیندان سرتجه سینه قاپا آهرا بیلر لر. و بو قارداشلیق طلب ائدیر کی هامینین ملی حاقلارینی اوزلرینه وئرب هامینی اوز دپلینین اوخوماقیندا اوز کولتوریله یاشاماقدا و بوتون برابر ایستک لره چاتماقدا الینی آجیق قویاسان و او بیر خالقلاری تهمت دن، تحقیر ائتمک دن و بیر سیرا حاقلارینی الینده ن آلماقدان چکینه سن. ....

بلی. قارداشلیق بوندان دا ساوایی چوخ زادلاری طلب ائلییه بیلر. اگر بونلار اولماسا و مرکزی حکومت او بیر خالقلاری گنتدیجه سیخما بوغمایا سالیب و حاقلارینی تاپداق آلتدا قویسا و بعضی کنچمیش شاهلار کیمی اولکه گنیشله ندیرمک نیتله باشقا خالقلاری اوزلرینه قول حساب ائدسه ..... اوندا قارداشلیق نچه داوام آنده بیلر؟ یئنه بو خالق ایسته په جک می سنیله بیر بئرده یاشاسین و سینین تحقیرلرینه جان دئییب جان ائشید سین؟ و یئنه سنین قولون اولسون و اوز حاقلاریندان واز کنچیب سن دینه باخسین؟ البته کی بئله اولما باحاقدیر! یوخاریدا گه ل دبی کیمی تانکین توپون گوجیله موقتی اولراق بو خالق اوز ایسته گینده ن اوزاق قویا بیلر سن اما ابدی بو ایسه مالک اولما بیلمه سن. تاریخده او بیر خالقلارین ایستکلرینی یئرینه یئتمیرمک اولکه نین بولونمه یینه سبب اولوب و بو سیرا دا ایران امپراطرلوقوندان توتدو عثمانی و حتی روم امپراطرلوقونون داغیلماقیندا بو ملی واریانتلارین سببی البته کی چوخ اولموشدور. ایندی اولکه لرین چوخلاری قومی و ملی نسنه لر اساسیندا تانینیرلار. بیر سیرا عرب اولکه لرینده ن باشقا هر بیر اولکه نین دیلیله و مدنی حاقلارینا تانینیرلار. آمریکانی فرانسانی آلمانیانی چینی یاپونو ..... نه اساسیله تانیماق اولار؟ بو سورقویا چوخ چتینلیک چکمه په رک جواب وئر مک بیر کورپه اوشاقیندا الینده ن گلر. کنچمیش شوروی مملکتینی نظره الراق اونلارین اون بنش یئره بولونمه سی ان گوجلو دلیل طبیعی کی اونلارین ملی واریلقلاریندان و طرز حیات و مختلف عنعنه له رینده ن آسیلی دیر. آذربایجان، گرجستان، روسیه، ارمنستان، تاجیکستان، ترکمنستان و باشقالاری نده ن بیر یئره بیغیشیب بیر دینی و یاخود جمعیت و یا قونشولوق اساسیندا، بیر اولکه دوزلت مه دیلر؟ و بو آرا دا دینی دوشونجه لر هئج بیر نظره ده گلمه دی و اگر دینی پارامترلر اساسیندا مملکت دوزلمک اولسایدی ایران حکومتی گره ک کی عربله رله و آفریقانین مسلمان اولکه لرله بیر حکومت تشکیل وئر ره اونلاری هامیا ترجیح ائتمه لیدیر.

فرقی اولمادان کی کیم صاباحلاری هانسی نیتله بو اولکیه بیه دوراجاق اگر یئنه ده او بیر خالقلارین آرزو ایستکلرینی یئرینه یئتمیره سه یئنه ده هامان آش هامان کاسا اولمالی دیر و اعتراضلار یئنه ده اوکه نین هر بیر

بوجاقیندان مرکزی حکومتی تاثیر آلتینا قئیمافا گورا آرتمالیدیر و البته کی سون قوه تجزیه طلب لیگه دوغرو آدیلامالیدید.دونیا دا چوخ اولکه لر وارکی مرکزی حکومتین دموکراسیا سی آلتیندا آز سایی مللتلرین حقوقو برابر جه سینه وئرلییر و بو ایشده هئچ بیر چتینلیک لرله اولشمیرلر.ساده جه اولراق بلکه بیزیم ذهینله ریمیزه بنله گلیر کی آمریکا دا یالنیز انگلیسی دیل اوخوناراق هامی اولزیرینی آمریکانین کولتورونه گورا مجبوریت قارشیسیندا قالیر لار.آنچاق اورادا بیلدییمز کیمی اسپانیولی ،پرتاقلیا ،فرانسا و قارالارین اولزه رینه عاید اولان دیلیله و کولتوروبله یاشاییرلار بوندان علاوه هر کیمسه اوز اوشاقلارینی هانکی دیل مکتبینه خوشو ایسته سه قویا بیلر لر و هانسی کولتوروبله یاشاسا اوزه ل بیر حاق ساییلیر .اورادا ایرانلی فارس مکتبینه ن توتدو چین مکتبخانالارینا قدر آچیق و تحصیل ائتمک آزاددیر.

چوخ تاسفلر اولسون کی بیلر بئنه ده اوز یوردوموزدا بیر یوردسوز کیمی داورانیریق و بوتون ایستکله ریمیز گون به گون رسمی تربیونلاردا لاقا قویولماقدادیرو آرزولاریمیزا ال تاپماق بیر داها چتین لشمکده دیر.انسان حاققلاری بینیه سینده(بیانیه حقوق بشر) و حتی ایرانین اساسی قانونون پندلرینین بیرینه گورا هامی اوز آنا دیلینده یازیب اوخوماق آزاددیر. ایندی بو آرادا کی ایرانین مرکزی حکومتی آذربایجان اوغوللارینی تجزیه طلب تانییر و اونلارا بوندان دا داها آغیر بوهتانلاری یاپیشدیрмаق ایسته بیر ، انتظاریمیز بوخدور.آخی اوز اوز یازدیغی قانونو آیاخلاپانلاردان بیزم نه انتظاریمیز اولا بیلرو قانونو پوزان آدمالردان قانونلو دیلکلر دیله مک منجه بیر گولونج حسابلانیر و اونلارین تزییقی آلتدا اوز ایستکله رینده ن ال چکیب و میدانی بوشالتماق داها اونداندا گولونجدور.ایندی گور کیم تجزیه طلب دیر من کی اوز حاققلاریمی ایسته بیره م یوخسا سن کی هامینی اوزونده ن اوزاقلاشدیراراق اونلاری اوزووه قول حساب ائدیرسن؟؟؟؟؟

[www.parsabad2.persianblog.com](http://www.parsabad2.persianblog.com)

\*\*\*\*\*

گجیل

جنوبی آذربایجانین اینترنت سایتلارینا باغلانتی

<http://Gajil.20m.com>